



Broj: 02-38-25389/18  
Sarajevo, 03.07.2018. godine

**HITNO!!!**

**MINISTARSTVO PRAVDE I UPRAVE**  
n/r gosp. Mario Nenadić, ministar

**MINISTARSTVO FINANSIJA**  
n/r gosp. Jasmin Halebić, ministar

**MINISTARSTVO ZA OBRAZOVANJE, NAUKU I MLADE**  
n/r gosp. Elvir Kazazović, ministar

**MINISTARSTVO ZA RAD, SOCIJALNU POLITIKU, RASELJENA LICA I IZBJEGLICE**  
n/r gđa Amela Dautbegović, ministrica


**PREDMET: Poziv za sastanak – dostavlja se**

Poštovani,

Na osnovu Zahtjeva za otpočinjanje pregovora u vezi zaključivanja kolektivnog ugovora za djelatnost visokog obrazovanja i nauke na području Kantona Sarajevo, upućenog od strane Sindikata Univerziteta u Sarajevu, premijer Kantona Sarajevo, gosp. Adem Zolj, Vas poziva da prisustvujete sastanku koji će se održati u petak, 06.07.2018. godine, u 15:30 sati, u sali Vlade Kantona Sarajevo (sala 129).

U prilogu Vam dostavljamo zahtjev Sindikata Univerziteta u Sarajevu, te prijedlog Protokola o principima za vođenje pregovora za zaključivanje Kolektivnog ugovora za djelatnost visokog obrazovanja i nauke na području Kantona Sarajevo koji nam je dostavljen od strane Ministarstva za obrazovanje, nauku i mlade Kantona Sarajevo.

S poštovanjem,



SEKCIJA KABINETA

Amela Mujkić

Dostaviti:

- Naslovu
- Sindikatu Univerziteta u Sarajevu
- a/a



web: <http://vlada.ks.gov.ba>  
e-mail: [kp@vlada.ks.gov.ba](mailto:kp@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



**PREGOVARAČKI TIM VLADE KANTONA SARAJEVO**, zastupan po predsjedniku Pregovaračkog tima, premijeru Ademu Zolju

i

**PREGOVARAČKI TIM SINDIKATA UNIVERZITETA U SARAJEVU**, zastupan po predsjedniku Pregovaračkog tima, predsjedniku Jasminu Velagiću,

*zaključili su dana \_\_\_\_\_ 2018. godine*

## **PROTOKOL**

### **O PRINCIPIIMA ZA VOĐENJE PREGOVORA ZA ZAKLJUČIVANJE KOLEKTIVNOG ZA DJELATNOST VISOKOG OBRAZOVANJA I NAUKE NA PODRUČJU KANTONA SARAJEVO**

#### **Član 1.**

##### **(Principi za vođenje pregovora)**

Pregovori za zaključivanje Kolektivnog ugovora za djelatnost visokog obrazovanja i nauke na području Kantona Sarajevo (u daljem tekstu: Kolektivni ugovor) će se provoditi na sljedećim principima:

- a) međusobnog uvažavanja i u dobroj vjeri;
- b) poštivanja ravnopravnog statusa pregovarača;
- c) poštivanja načela efikasnosti i ekonomičnosti;
- d) poštivanja dobre prakse kolektivnog pregovaranja.

#### **Član 2.**

##### **(Strane u pregovorima)**

Strane u pregovorima su:

- 1) Vlada Kantona Sarajevo, kao predstavnik poslodavca i
- 2) Sindikat Univerziteta u Sarajevu, kao predstavnik radnika.

#### **Član 3.**

##### **(Sastav pregovaračkih timova)**

Pregovore za zaključivanje Kolektivnog ugovora za djelatnost visokog obrazovanja i nauke na području Kantona Sarajevo vode ovlašteni Pregovarački timovi.

Svaka strana koja učestvuje u pregovorima donosi odluku o sastavu članova Pregovaračkog tima.

Svaka strana dužna je dostaviti drugoj strani original odluke svog nadležnog organa o sastavu Pregovaračkog tima.

Na osnovu Rješenja Vlade Kantona Sarajevo, broj: 02-05-23512-30/18 godine od 31.05.2018. godine, imenovan je Pregovarački tim Vlade Kantona Sarajevo za zaključivanje Kolektivnog ugovora za djelatnost visokog obrazovanja i nauke na području Kantonu Sarajevo u sastavu:

1. Adem Zolj, premijer,
2. Elvir Kazazović, ministar za obrazovanje, nauku i mlade,
3. Jasmin Halebić, ministar finansija,
4. Amela Dautbegović, ministrica za rad, socijalnu politiku, raseljena lica i izbjeglice,
5. Mario Nenadić, ministar pravde i uprave.

Na osnovu Rješenja Centralnog odbora Sindikata Univerziteta u Sarajevu, broj: 77-06/18 od 12.06.2018. godine, utvrđen je Pregovarački tim Sindikata Univerziteta u Sarajevu za donošenje Kolektivnog ugovora za djelatnost visokog obrazovanja i nauke na području Kantona Sarajevo u sastavu:

1. Jasmin Velagić, predsjednik Pregovaračkog tima,
2. Amir Zahirović, član,
3. Ahmet Lojo, član,
4. Sead Turčalo, član i
5. Esad Pepić, član.

Rješenjem Centralnog odbora Sindikata Univerziteta u Sarajevu broj: 77-06/18 od 12.06.2018. godine za zamjenske članove Pregovaračkog tima imenovani su Jasmin Terzić sa Mašinskog fakulteta u Sarajevu i Hasan Kurtanović sa Pedagoškog fakulteta u Sarajevu.

#### **Član 4.**

##### **(Predmet pregovora)**

Predmet pregovora su sva pitanja koja mogu biti sadržaj Kolektivnog ugovora za oblast visokog obrazovanja i nauke na području Kantona Sarajevo u skladu sa pozitivnim zakonskim propisima u Bosni i Hercegovini, konvencijama MOR-a te drugim međunarodnim dokumentima koji se odnose na djelatnost visokog obrazovanja i nauke.

#### **Član 5.**

##### **(Osnov za pregovore)**

Normativni okvir za vođenje pregovora predstavljaju Zakon o radu Federacije Bosne i Hercegovine („Službene novine FBiH“, broj: 26/16), Zakon o naučnoistraživačkoj djelatnosti („Službene novine Kantona Sarajevo“ broj: 26/16) i Zakon o visokom obrazovanju („Službene novine Kantona Sarajevo“, broj: 33/17).

#### **Član 6.**

##### **(Način vođenja pregovora)**

Sindikat će u roku od tri dana od dana potpisivanja ovog Protokola sačiniti nacrt Kolektivnog za oblast visokog obrazovanja i nauke na području Kantona Sarajevo i dostaviti ga Pregovaračkom timu Vlade Kantona Sarajevo na razmatranje i davanje primjedbi, prijedloga i sugestija.

Pregovarački tim Vlade će u roku od sedam dana Pregovaračkom timu Sindikata u pisanoj formi dostaviti odgovor odnosno primjedbe, sugestije i prijedloge na dostavljeni prijedlog Kolektivnog ugovora.

Pisanu korespondenciju u toku trajanja pregovaračkog postupka u ime Pregovaračkog tima Vlade Kantona Sarajevo potpisuje predsjednik Pregovaračkog tima Adem Zolj, a u ime Pregovaračkog tima Sindikata Univerziteta u Sarajevu potpisuje predsjednik Pregovaračkog tima Jasmin Velagić. Nakon upućivanja odgovora odnosno primjedbi, sugestija i prijedloga u pisanoj formi od strane Pregovaračkog tima Vlade na dostavljeni prijedlog Kolektivnog ugovora pristupit će usaglašavanju eventualno spornih odredbi Kolektivnog ugovora kroz održavanje neposrednih sastanaka.

#### **Član 7.**

##### **(Sastanci Pregovaračkih timova)**

Pregovori se vode na sastancima Pregovaračkih timova.

Prvi sastanak Pregovaračkih timova održat će se najdalje u roku od sedam dana od dana upućivanja pisanog odgovora odnosno primjedbi, sugestija i prijedloga od strane Pregovaračkog tima Vlade Kantona Sarajevo na dostavljeni prijedlog Kolektivnog ugovora. Vrijeme i mjesto održavanja sastanaka Pregovaračkih timova određuje predsjednik Pregovaračkog tima Vlade uz prethodne konsultacije sa predsjednikom Pregovaračkog tima Sindikata Univerziteta u Sarajevu. Sastanci Pregovaračkih timova moraju biti unaprijed dogovoreni i zakazani pisanim putem, telefonom ili elektronskom poštom, najkasnije tri dana prije održavanja sastanka.

Kvorum za održavanje sastanaka predstavlja prisustvo najmanje po tri člana svakog Pregovaračkog tima.

## **Član 8.**

### **(Način rada Pregovaračkih timova)**

Sastanke Pregovaračkih timova zajednički i ravnopravno vode predsjednici Pregovaračkih timova.

Članovi Pregovaračkih timova za riječ se javljaju predsjedniku svog Pregovaračkog tima.

O redosljedu učešća u diskusiji tokom pregovora odlučuju predsjednici Pregovaračkih timova, i to svaki predsjednik Pregovaračkog tima za članove svog tima.

Članovi Pregovaračkog tima mogu sudjelovati u diskusiji samo ako im odobri predsjednik njihovog Pregovaračkog tima.

Uz članove Pregovaračkih timova sastancima mogu prisustvovati i po najviše tri stručnjaka sa svake strane za pojedina pitanja, koji uz saglasnost predsjednika oba Pregovaračka tima, mogu iznositi svoja stručna mišljenja o pitanjima koja su predmet pregovora.

## **Član 9.**

### **(Zapisnik tokom pregovora)**

O održanim sastancima Pregovaračkih timova vodi se zapisnik u koji se unose usaglašeni stavovi Pregovaračkih timova po svakom pitanju o kojem se vode pregovori.

Zapisnik o pregovorima vodi član Pregovaračkog tima Vlade ili Sindikata kojeg strane u pregovorima dogovore na prvom sastanku pregovaračkih timova.

Usaglašen tekst zapisnika usvaja se na sljedećem sastanku Pregovaračkih timova.

Nakon usvajanja zapisnik potpisuju predsjednici Pregovaračkih timova.

## **Član 10.**

### **(Tok pregovora)**

Učesnici u pregovorima izlažu svoje viđenje pitanja koje je predmet pregovaranja sa odgovarajućim obrazloženjem.

Učesnici pregovora mogu dostaviti pitanja u pisanoj formi sa odgovarajućim obrazloženjem, ili ih usmeno iznijeti neposredno na sastanku, nakon čega se procjenjuje da li se na postavljeno pitanje može odmah dati odgovor ili se davanje odgovora odlaže za naredni sastanak.

O prihvatanju ili neprihvatanju odgovora datom na izneseno pitanje izjašnjava se predsjednik Pregovaračkog tima u ime svoje strane.

Svaki član Pregovaračkog tima ima pravo da iznese svoje predloge i primjedbe, ali ako one nisu usaglašene u Pregovaračkom timu i iza njih ne stoji predsjednik Pregovaračkog tima ti stavovi predstavljaju samo lično mišljenje i Pregovarački timovi nisu dužni dati obrazloženje na tako iznesene stavove pojedinca.

## **Član 11.**

### **(Vrijeme i trajanje sastanaka)**

Sastanci Pregovaračkih timova održavaju se u pravilu jednom sedmično u terminu od 13:00 do 16:00 sati.

Ukoliko dinamika pregovora bude zahtijevala, Pregovarački timovi mogu dogovoriti i drugačiji raspored odnosno dinamiku sastanaka.

Sastanci se u pravilu održavaju u službenim prostorijama Vlade Kantona Sarajevo ili u drugim prostorijama shodno postignutom dogovoru Pregovaračkih timova.

## **Član 12.**

### **(Javnost pregovora i izjave za javnost)**

Sastanci Pregovaračkih timova su zatvoreni za javnost.

Javnosti o održanim sastancima i stavovima Pregovaračkih timova saopštavaju predsjednici Pregovaračkih timova ili lica koja oni ovlaste.

Predsjednici Pregovaračkih timova mogu se se dogovoriti o zajedničkoj izjavi za javnost.

### **Član 13.**

#### **(Osnove za pregovaranje)**

Pregovarački timovi su obavezni voditi računa da u toku pregovora ne odstupe od utvrđenih principa i načela za pregovaranje.

Stavovi o pitanjima koja su predmet Kolektivnog ugovora, a koji su usaglašeni na sastancima Pregovaračkih timova, mogu ponovo biti predmetom kolektivnog pregovaranja samo uz pristanak predsjednika oba Pregovaračka tima.

### **Član 14.**

#### **(Potpisivanje usaglašenog teksta)**

Predsjednici Pregovaračkih timova potpisuju izjavu o postignutoj saglasnosti na tekst prijedloga Kolektivnog ugovora koji je usaglašen.

Prije potpisivanja Kolektivnog ugovora Pregovarački timovi su dužni dostaviti suprotnoj strani odluku Vlade Kantona Sarajevo, odnosno Centralnog odbora Sindikata Univerziteta u Sarajevu o prihvatanju Prijedloga Kolektivnog ugovora i ovlaštenje za potpisivanje Kolektivnog ugovora.

Nakon usaglašavanja teksta Kolektivnog ugovora isti će biti potpisan najkasnije u roku od pet dana od dana dostavljanja odluka o prihvatanju prijedloga Kolektivnog ugovora i ovlaštenja za potpisivanje.

### **Član 15.**

#### **(Postupak mirenja)**

Ako tokom pregovora nastane spor zbog kojeg bi moglo doći do štrajka, provest će se postupak mirenja u skladu sa važećim zakonskim propisima.

### **Član 16.**

#### **(Troškovi pregovora)**

Troškovi koji eventualno nastanu u toku vođenja pregovora padaju na teret Vlade Kantona Sarajevo.

### **Član 17.**

#### **(Završne odredbe)**

Ovaj Protokol je sačinjen u četiri istovjetna primjerka od kojih svaka strana u pregovorima zadržava po dva primjerka.

Ovaj Protokol stupa na snagu danom potpisivanja od strane predsjednika Pregovaračkog tima obje strane u pregovorima.

**Predsjednik Pregovaračkog tima  
Sindikata Univerziteta u Sarajevu**

*Prof. dr. Jasmin Velagić*

**Predsjednik pregovaračkog tima  
Vlada Kantona Sarajevo**

*Adem Zolj, mr.dipl.ing.saob.*